



Broj: 05-45-1-657/2025  
Maglaj, 11.04.2025. godina

## OPĆINSKO VIJEĆE MAGLAJ

**Predmet: Dostava Izvještaja o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2024.godinu.**

U prilogu akta dostavljamo Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2024.godinu.

Izvještaj je pripremila Služba za urbanizam, geodetske i imovinsko-pravne poslove Općine Maglaj.

Obrađivač-Jasmina Alić, ing.građ.

Kontrolor-Faris Habibović, mag.geodezije


DOSTAVLJENO:

1. Naslovu
2. a/a



OPĆINSKI NAČELNIK

Maid Suljaković



*BOSNA I HERCEGOVINA*  
*Federacija Bosne i Hercegovine*  
**ZENIČKO-DOBOJSKI KANTON**  
*Općina Maglaj*  
**OPĆINSKI NAČELNIK**



*BOSNIA AND HERZEGOVINA*  
*Federation of Bosnia and Herzegovina*  
**ZENICA-DOBOJ CANTON**  
*Maglaj Municipality*  
**MAYOR**

**IZVJEŠTAJ O UTROŠKU SREDSTAVA I REALIZACIJI PLANA I  
PROGRAMA ODRŽAVANJA JAVNOG ZELENILA NA GRADSKOM  
PODRUČJU SA FINANSIJSKIM POKAZATELJIMA ZA 2024. GODINU**



## I Uvod

U skladu sa članom 3. i članom 9. Zakona o komunalnim djelatnostima („Službene novine Zeničko-dobojskog kantona“ broj: 17/08), članom 71. Odluke o komunalnom redu i sanitarnom minimumu („Službene novine Općine Maglaj“ broj: 03/18), na osnovu člana 8., člana 13. i člana 15. Zakona o principima lokalne samouprave („Službene novine Federacije Bosne i Hercegovine“ br. 49/06, 51/09) u Budžetu/Proračunu Općine Maglaj za 2024. godinu na poziciji 613 951-1 planirana su sredstva u iznosu od 120.000,00 KM sa PDV za održavanje javnog zelenila na gradskom području.

Na sjednici Općinskog vijeća Maglaj, održanoj dana, 28.03.2024. godine, usvojen je Plan i program održavanja javnog zelenila na gradskom području sa finansijskim pokazateljima za 2024. godinu, broj: 02-04-1-521/24.

Pod poslovima održavanja zelenih površina obuhvaćenih navedenim Planom i programom podrazumijeva se:

- mašinsko košenje travnjaka sa izgrablivanjem travnjaka i uklanjanjem otpada,
- orezivanje žive ograde na 60 cm, sa uklanjanjem otpada,
- orezivanje grmlja u cilju podmlađivanja, sa uklanjanjem otpada,
- okopavanje i plijevljenje grmlja i žive ograde, sa uklanjanjem otpada,
- čišćenje obale rijeke Bosne na potezu podvožnjak Liješnica-Dom zdravlja,
- čišćenje zelenih površina-krčenje srpom šiblja, grabljanje i odstranjivanje otpada,
- utovar i odvoz otpada proisteklog po radovima iz prethodnih stavki.

Pod poslovima održavanja drvoreda podrazumijeva se:

- proljetno ili jesensko orezivanje-formiranje krošnji stabala sa svim pripradajućim radovima, utovarom i odvozom otpada,
- eventualne intervencije na uklanjanju lomova grana i vjetroizvala, sa utovarom i odvozom otpada.

Realizacija mini projekata iz oblasti zaštite životne sredine podrazumijeva sljedeće:

- hortikulturno uređenje Parka ljiljana i Gradskog parka (proljetno i jesensko),
- zasađivanje postojećih žardinjera u gradu i u Starom gradu,
- hortikulturno uređenje kružnog toka (proljetno i jesensko),
- oplemenjavanje zelenih površina u drugim dijelovima grada,
- održavanje postojećih sadnica ruža,
- održavanje fontane u Parku ljiljana i Gradskom parku,
- popravke i održavanje uličnog mobilijara i opreme na postojećim dječjim igralištima,
- nabavku i ugradnju novog uličnog mobilijara,
- uređenje spomen obilježja (Abidovića spomenik, Spomenik poginulim danskim vojnicima, Spomen obilježje na Čakalovcu, Spomenik civilnim žrtvama rata kod solitera, spomenik na O. polju i dr.).

Na osnovu člana 9. istog zakona, Općina obavljanje pojedinih komunalnih djelatnosti koje se finansiraju iz njenog Budžeta/Proračuna obavezno povjerava javnim preduzećima komunalnih djelatnosti, koje je odlukama Općinskog vijeća formirala za obavljanje tih komunalnih djelatnosti.

## II Realizacija projekta

Dana, 22.04.2024. godine Općina Maglaj je, na osnovu prethodno usvojenog Plana i programa održavanja javnog zelenila na gradskom području sa finansijskim pokazateljima za 2024. godinu i dobijene Saglasnosti od Ministarstva za prostorno uređenje, promet i komunikacije i zaštitu okoline Zeničko-dobojskog kantona na Program utroška sredstava

Fonda za zaštitu okoline Zeničko-dobojskog kantona za 2024.godinu, sa "KJD" d.o.o. Maglaj potpisala Ugovor o održavanju javnog zelenila na gradskom području za 2024.godinu, broj: 05-45-1-710/2024.

Redovne aktivnosti po Ugovoru i po usvojenom Planu i programu održavanja javnog zelenila na gradskom području sa finansijskim pokazateljima za 2024. godinu, vršene su u periodu od 22.04. do 15.11.2024.godine.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona dalo je Saglasnost broj: 12-19-1900-12-S/24 od 11.03.2024.godine na Program utroška sredstava Fonda za zaštitu okoline Zeničko-dobojskog kantona za 2024.godinu, kojom je za općinu Maglaj opredijeljen iznos od oko 70.000,00 KM.

Takođe je Općini Maglaj iz Fonda za zaštitu okoline Zeničko-dobojskog kantona, po osnovu Uredbe o vrstama naknada i kriterijumima za obračun naknada za zagađivače zraka, opredijeljen iznos od 43.779,92 KM sa PDV kao i namjenska sredstva za plastične kese tregerice, posebne kategorije otpada i naknadu za ambalažu i ambalažni otpad, električne i elektronske proizvode u iznosu od 269,06 KM sa PDV.

U protekloj godini radovi su vršeni stručno i kvalitetno i u skladu sa aktivnostima predviđenim u Planu i programu održavanja javnog zelenila na gradskom području sa finansijskim pokazateljima za 2024. godinu.

Svi radovi proistekli iz Ugovora su evidentirani u dnevnik rada, na osnovu kojih su ispostavljane mjesečne situacije i fakture i na osnovu kojih je plaćano Izvršiocu poslova "KJD" d.o.o. Maglaj, u zavisnosti od priliva sredstava iz Fonda za zaštitu okoline Zeničko-dobojskog kantona.

U toku 2024. godine na Budžet Općine Maglaj doznačena su sredstva iz Fonda za zaštitu okoline, u ukupnom iznosu od 117.880,11 KM sa PDV i prenešena su sredstva iz 2023. godine u iznosu od 26.560,81 KM sa PDV :

- prenos nepotrošenih sredstava iz prethodnih godina .....	26.560,81 KM
- za IV kvartal 2023.godine- izvršena uplata 19.01.2024.godine .....	18.854,96 KM
- za I kvartal 2024.godine- izvršena uplata 29.04.2024.godine .....	15.544,96 KM
- za II kvartal 2024.godine- izvršena uplata 24.07.2024.godine .....	18.121,03 KM
- za III kvartal 2024.godine- izvršena uplata 15.11.2024.godine .....	21.310,18 KM
- naknada zagađivača zraka - izvršena uplata 15.11.2024.godine .....	43.779,92 KM
- naknada za plastične vreće tregerice, posebne kategorije otpada i ambalažu i ambalažni otpad, električne i elektronske proizvode .....	269,06 KM
<b>UKUPNO sa PDV: 144.440,92 KM</b>	

Utrošena sredstva, kojim pravdamo doznačena sredstva iz Fonda za zaštitu okoline za 2024. godinu, uplaćena na račun KJD d.o.o. Maglaj iznose 103.704,28 KM:

- uplaćeno na dan, 24.06.2024. - održavanje gradskog zelenila .....	8.486,89 KM
- uplaćeno na dan, 05.09.2024. - održavanje gradskog zelenila .....	17.622,37 KM
- uplaćeno na dan, 30.09.2024. - održavanje gradskog zelenila .....	16.586,05 KM
- uplaćeno na dan, 28.11.2024. - održavanje gradskog zelenila .....	36.011,01 KM
- uplaćeno na dan, 26.12.2024. - održavanje gradskog zelenila .....	24.997,96 KM
<b>UKUPNO sa PDV: 103.704,28 KM</b>	

OPĆINSKI NACELNIK  
Maid Suljaković